



Data: 22.02.2019

Ref.: 320/190

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet kërkesa e Kolegji Dardania (Nr.1495/18H, datë 31.10.2018) për riakreditim të programit të studimit si më poshtë:
 - Psikologji Organizative, MA, 120 ECTS.
- II. Ky vendim hyn në fuqi me nënshkrimin e tij.

Arsyetimi

Kolegji Dardania ka parashtruar kërkesë (Nr.1495/18H, datë 31.10.2018) në Agjencinë e Kosovës për Akreditim për riakreditim dhe akreditim te programeve të studimit si në vijim: Psikologji Aplikative dhe Studime Menaxheriale, BA, 180 ECTS; Administrim Biznesi dhe Ekonomiks, BA, 180 ECTS; Shkenca Politike dhe Administrim Publik, BA, 180 ECTS; Gjuhë Angleze dhe Studime Amerikane, BA, 180 ECTS; Përkujdesje dhe Mirëqenie Sociale, BA, 180 ECTS; Psikologji Organizative, MA, 120 ECTS; Administrim Publik, MA, 120 ECTS, dhe Administrim Biznesi dhe Ekonomiks, MA, 120 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 15 dhe 16 janar 2019 ka trajtuar aplikacionin e Kolegjit Dardania. Në pikën 1.2 të nenit 10 të UA për Akreditim, thuhet, *“Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së”*.


“Për qëllim të akreditimi, stafi akademik të cilët nuk janë shtetas të Republikës së Kosovës, duhet të posedojnë leje qëndrim dhe leje të punës në Republikën e Kosovës. Po ashtu ky staf akademik duhet të sjellë dëshmi nga institucioni relevant nga vendi i origjinës (p.sh. Administrata Tatimore) që nuk ka marrëdhënie të rregullt të punës në vendin e origjinës”. Bazuar në dispozitën e referuar më lartë dhe faktin që një dëshmi e tillë nuk është dorëzuar në AKA nga Bilall Lutfiu dhe Artan Kolnikaj, të njëjtit nuk mund të jenë bartës të programit të studimit, pasi që nuk i plotësojnë kriteret e parapara me nenin 30 të UA për Akreditim.

Andaj bazuar në faktet e prezantuara më sipër dhe dispozitat ligjore të sqaruara me lartë (në mungesë të stafit të fushës së programit të studimit), si dhe bazuar në nenin 26, pika 5.3.4 e Udhëzimit Administrativ për Akreditim, KSHC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzojë aprovimin e aplikacionit për programin e studimit, *Psikologji Organizative, MA, 120 ECTS*, dhe vendosi si në dispozitiv të këtij vendimi.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerrë këtë vendim bazuar në nenin 128 të LPPA, në afatin prej 30 ditësh nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegji “Dardania”;
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

